

## Gi moustrou coun gi casul

La g'é arrubá lou Re,  
la g'é arrubá lou Re  
e chi poulia poulia couria s'al Pont Naou  
a vairi lou moustrou mái vist  
coun lou casul gros gros  
qu'al fazia la tampa  
pour lou palás dal Re balòs.  
A forsa d' gavár d' tara  
e d' butár d' siman e d' moun  
la g'é nishé in bel palazhoun.  
E lou Re pasáva pour piása  
riverè da qui qui cuntou  
(nouzaoutri que countian nint  
garjan da tsout i porti).  
Pour arpagar le riveranse  
lou Re, qu'al era nint fol,  
al á moustrá a qui qu'i cuntou  
'scou fár-se riverir  
(e a qui qu'i cuntou nint  
'scou vanta riverir).  
Aprés d' poqqi mas,  
vouzaoutri gi craiè nint,  
Limoun al era 'starnè  
d' moustrou coun gi casul.  
La g'é arrubá gi Re,  
la g'é arrubá gi Re.  
Gi nhoc i soun aná a vairi,  
gi furb i j'àn riverè  
e l'é p'r acò que ëncœi  
Limoun l'é pien d' Re.  
La 'storia i souria fnia  
ma vœch ancár countar-ne in toc.  
Limoun l'é pien d' Re,  
Limoun l'é pien d' Re.  
Oh! que bel, Limoun l'é pien d' Re,  
ma la g'é pœ d' dzant qui gárjou  
stromá darer di porti,  
i soun tuts an piása qui criou:  
voulan aousár acò nostri!

P.S. Sai aná dal tabaquin  
ai tsatá doue cartoulinne  
le ai 'ncadrá coun rispet,  
voulé sabèr pourquoi?  
pourqué dman la gi arrubba d'aoutri Re.